

dio, sineque fabulis enarrent: deinde, quod admissis eorum testimoniis, conuersio illa Vngarorum planissime explicari possit. Hos ergo si audiamus, religionem Christianam ex Vngarorum ducibus primus amplexus est BOLOSVDES quidam, quod nomen consentit cum nomine BULTZKONIS illius, quem cum reliquis ad patibulum egit OTTO I. Imp. Idem sane de BOLLOSUDE graeci scribunt, rescidisse nimirum illum pacta quae cum Deo inierat, factumque rursus apostatam, in romanos expeditionem fecisse, quod cum etiam contra Francos tentaret, captus et ab eorum rege OTTONE in crucem actus est. Contigerunt haec sub CONSTANTINO PORPHYROGENETA post relegationem Romani LACAPENI an circiter 950.*

§. 3.

Sed propius ad rem. Non multo post BOLOSVDEM, secundum ZONARAM, eodem fere tempore Γυλας et ipse dux partis cuiusdam Vngarorum, eiusdem rei causa Constantinopolim se contulit, baptizatusque, et a CONSTANTINO, aequae ut BOLOSVDES, patricii dignitate, magnisque donis ditatus ornatusque domum reuertit, abductoque secum Monacho HIEROTHAEO nomine, ** pietatis fama celebri, quem Vngariae episcopum THEOPHYLACTVS Patriarcha designauit, qui ut in Vngariam venit, multos a barbaro errore, ad Christianam religionem traduxit. At GYLAS quidem in fide permansit, et neque ipse in romanos impressionem fecit, sed captiuos christianos etiam emens curauit, libertatemque illis reddidit. Iam vero GYVLAE f. GYLAE filiam in matrimonio habuit GEYSA, SAROLTAM dictam. *** Quis ergo est, qui dubitet, femi-

se associauerat, mox tamen meliora edoctus, sententiam SCHWARZII ambabus ut ita dicam manibus amplexus est.

* Vid. SCYLITZES p. 636. edit. regia Parisiensis. Item IOANNES ZONARAS p. 194. Tom. II. edit. regia Parisiensis.

** SCYLITZES l. c.

*** ANONYM. BELAE R. notat. c. 27. THUROCZ P. II. c. 5.